

KULTURPOSTEN

APRIL 2018

Informasjonsskriv frå kulturadministrasjonen i Radøy kommune



Programmet for kulturdagane finn du på <http://www.radoy.kommune.no/kulturdagane2018>



RADØY
den grønne øya

Aktuelle tilskotsordningar - Radøy kommune

Driftsmidler (kulturmidlar) til lag og organisasjonar

Radøy kommune deler kvart år ut driftsmidler til lag og organisasjonar. Tilskotet skal dekkja driftsutgifter som administrasjon, leige av lokale, instruktørutgifter og andre løpande utgifter. Det vert ikkje gjeve driftstilskot til lag som har som einaste formål å drifta lagshus.

For meir informasjon og søknadsskjema sjå www.radoy.kommune.no/kulturmidlar, evt ta kontakt med bente.hervik@radoy.kommune.no eller på tlf. 56 34 90 12.

Søknadsfrist er 30. april.

Tilskot til mindre kostnadskrevjande investeringar i kulturbygg og -anlegg

Det kan gjevast tilskot til:

- Investeringar i eigne kulturbygg og -anlegg
- Kjøp av utstyr og materiell til eigne kulturbygg og -anlegg

For meir informasjon og søknadsskjema sjå www.radoy.kommune.no/kulturmidlar, evt ta kontakt med bente.hervik@radoy.kommune.no eller på tlf. 56 34 90 12.

Søknadsfrist er 30. april

Midlar til tilrettelegging av turstiar

I budsjettet for 2018 er det sett av midlar til tilrettelegging av turstiar. Lag og organisasjonar og privatpersonar som ynskjer å tilretteleggja ein eller fleire turstiar i Radøy kommune kan ta kontakt med Bente K. Hervik på tlf. 56 34 90 12 eller på e-post bente.hervik@radoy.kommune.no.

Leiaropplæring (Radøy kommune)

Det kan gjevast støtte til lag og organisasjonar til å dekkja utgifter til relevante kurs for leiarar, styremedlemer, trenarar og instruktørar i laget. Med relevante kurs meiner ein at kurset skal ha tilbakeføringsverdi til laget. Søknadsfrist heile året.

For meir informasjon sjå www.radoy.kommune.no/kulturmidlar, evt ta kontakt med bente.hervik@radoy.kommune.no eller på tlf. 56 34 90 12.

Prosjekt- og aktivitetsstøtte (Radøy kommune)

Tilskot kan gjevast til opne kulturarrangement og -prosjekt, og til innkjøp av utstyr. Arrangement og prosjekt som er nyskapande vert prioriterte. Tilskotet er behovsprøvd og kan gjevast som underskotsgaranti eller direkte tilskot. Søknadsfrist heile året.

For meir informasjon og søknadsskjema sjå www.radoy.kommune.no/kulturmidlar, evt ta kontakt med bente.hervik@radoy.kommune.no eller på tlf. 56 34 90 12.

Arrangement under kystsogevekene?

Kystsogevekene er ei årleg mønstring av arrangement i 22 kystkommunar, frå Sveio i sør til Gulen i nord, med fokus på tradisjonell og moderne kystkultur. I år vert kystsogevekene arrangert i perioden frå 4. august til 16. september.

Dei som ynskjer å ha eit arrangement under kystsogevekene i Radøy kan melda inn til Bente K. Hervik på tlf. 56349012 eller e-post: bente.hervik@radoy.kommune.no. De kan også registrera arrangementet direkte på kystsogevekene si nettside www.kystsogevekene.no.

Frist for å melda inn arrangement er 10. mai.



Frå opninga av kystsogevekene på Risnes 2017.

Strandryddedagen 5. mai

Bli med på den store strandryddedagnaden i Radøy kommune!

Alle som ynskjer å delta denne dagen må registrera seg på rådhuset kl. 10.00. De får du uttelt sekkar og hanskar.

Me samlast igjen kl. 15.00 til pølser, kaffi og saft. Det vert trekning av premie blant alle laga som deltar denne dagen.

Følg med på nettsider og facebook for meir informasjon!



Morkevika. Foto: Harald Matland.

